



WA 6
61

館書圖京東			
一	六		あ
冊	號	架	函
			類
			門



国立国会図書館 タイトル『唐朝四賢精詩4巻』 請求記号 WA6-61

ガラス使用

49.953/157

唐朝四賢精詩第一

翰林龍西李白太白

題東谿公幽居


杜陵賢人清且康東谿卜築歲將淹宅近青山同謝
眺門正碧柳似陶潛好鳥迎春歌後院飛花送酒舞
前修名到但知留一醉盤中祇有水晶鹽

登金陵鳳凰臺

鳳凰臺上鳳凰遊鳳去臺空江自流吳宮花草埋幽
徑晉代衣冠成古丘三山羊落青天外二水中分白
鷺洲總為浮雲能蔽日長安不見使人愁

金陵城西樓月下吟

丹鉛怨錄云李太白
邊武昌見崔顥詩
鶴詩數服之遂不復
作去而賦金陵鳳凰
臺也其事本如此
諷曰僅魚雀新於此
乃擅揚



金陵夜寂涼風發獨上高樓望且越白雲映水搖空
城白露垂珠滴秋月月下沉吟久不歸古來相接眼
中稀辭道澄江淨如練令人長憶謝玄暉

鸚鵡洲

鸚鵡來過吳江水江上洲傳鸚鵡名鸚鵡西飛隴山
去三洲之樹何青青煙開蘭葉香風暖岸夾桃花錦
浪生遷客此時徒極目長洲孤月向誰明

懷仙歌

一鷲東飛過滄海放心散漫知何在仙人浩歌望我
來應攀玉樹長相待堯舜之事不足驚自餘鷲鷲直
可輕巨鼇莫戴三山去我欲蓬萊頂上行

赤壁歌送別

一龍爭戰決雌雄赤壁樓船掃地空烈火張天照雲
海周瑜於此破曹公君去滄江望澄碧鯨鯢唐突留
餘跡一一書來報故人我欲因之壯心鬼

贈郭將軍

一作將軍

將軍少在平山出武威入掌銀臺護紫微平明拂劍朝天
去薄暮垂鞭醉酒歸愛子臨風吹玉笛美人向月舞
羅衣時昔雄豪如夢裏相逢且欲醉春暉

述德兼陳情上哥舒大夫

人為國家孕英才森森弔戟擁靈臺浩蕩深謀噴江
海縱橫逸氣走風雷丈夫立身有如此一呼三軍皆

披靡衛青謾作大將軍白起真成一豎子

上李邕

大鵬一日同風起搏搖直上九萬里假令風歇時下
來猶能簸却滄溟水時人見我指殊調見余大言皆
冷笑宣父猶能畏後生丈夫未可輕年少

春日獨坐寄鄭明府

鸞鳥青青遊子悲河堤弱柳鬱金枝長條一拂春風
去盡日飄揚無定時我在河南別離久那堪坐此對
愁牖情人道來竟不來何人共醉新豐酒

早春寄王漢陽

聞道春還未相識走傍寒梅訪消息昨夜東風入武

陽陌頭楊柳黃金色碧水浩浩雲茫茫美人不來空
斷腸預拂青山一片石與君道日醉壺觴

涇溪東郡寄鄭少府諤

我遊東亭不見君沙上行將白鷺群白鷺行時戲飛
去又如雪點青山雲欲往涇溪不辭遠龍門處波虎
轉眼杜鵑花開春已闌歸向陵陽釣魚晚

別中都明府兄

吾兄詩酒繼陶君試宰中都天下聞東樓喜奉連夜
會南陌愁爲落葉分城隅涼水明秋日海上青山滿
暮雲取醉不辭留夜月雁行中斷惜離羣

送族弟綰從軍安西

漢家兵馬乘北風鼓行而西破犬戎爾隨漢將出門
去剪虜若草收奇功君王按劍望邊色旄頭已落胡
天空勾奴繫頸數應盡明年應入蒲萄宮

題雍丘崔明府丹竈

美人爲政本忘機服藥求仙事不違葉縣已泥丹竈
畢瀛洲當伴赤松歸先師有訣神將助大聖無心火
自飛九轉但能生羽翼雙鳧忽去定何依

怨情

新人如花雖可寵故人似玉由來重花性飄揚不自
持玉心皎潔終不移故人昔新今尚故還見新人有
故時請看陳后黃金屋寂寂珠簾生網絲

示金陵子

金陵城東誰家子竊聽琴聲碧牕裏落花一片天上
來隨人直度西江水楚歌吳語嬌不成似能未能最
有情謝公正要東山妓携手林泉處處行

贈漢陽輔錄事

鸚鵡洲橫漢陽渡水引寒煙沒江樹南浦登樓不見
君君今罷官在何處漢口雙魚白錦鱗今傳尺素報
情人其中字數何多少祇是相思秋復春

送外甥鄭灌從軍二首

六博爭雄好彩來金盤一擲萬人開丈夫賭命報天
子當斬胡頭衣錦迴

又
丈八蛇矛出龍西
彎弧拂箭白猿啼
破胡必用龍韜
策積甲應將熊耳齊

東魯門泛舟 二首

日落沙明天倒開
波搖石動水縈迴
輕舟泛月尋溪
轉疑是山陰雪後來

又

水作青龍盤石堤
桃花夾岸魯門西
若教月下乘舟
去何嘗風流到剡溪

遊洞庭 四首

南湖秋水夜無煙
耐可乘流直上天
且就洞庭懸月

色將船買酒白雲邊

又

洛陽才子謫湘川
元禮同舟月下仙
記得長安還欲
笑不知何處是西天

又

洞庭湖西秋月輝
瀟湘江北早鴻飛
醉客滿船歌白
紵不知霜露入秋衣

又

帝子瀟湘去不還
空餘秋草洞庭間
淡掃明湖開玉
鏡丹青畫出是君山

瀑布

日照香爐生紫煙遙看瀑布挂前川飛流直下三千尺疑是銀河落半天

登廬山五老峯

廬山東南五老峯青天削出金芙蓉九江秀色可攬結吾將此地巢雲松

望天門山

天門中斷楚江開碧水東流至此迴兩岸青山相對出孤帆一片日邊來

越中覽古

越王句踐破吳歸義士還家盡錦衣宮女如花滿春殿只今唯有鷓鴣啼

本集作飛

蘇臺覽古

舊苑荒臺楊柳新菱歌清唱不勝春只今唯存西子月曾照吳王宮裏人

聽黃鶴樓上吹笛

一為遷客去長沙西望長安不見家黃鶴樓中吹玉笛江城五月落梅花

巫山枕障

巫山枕障畫高丘白帝城邊樹色秋朝雲夜入無行處巴水橫天更不流

白胡桃

紅羅袖裏分明見白玉盤中看却無疑是老僧休念



誦腕前推下水晶珠

春夜洛城聞笛

誰家玉笛暗飛聲散入春風滿洛城此夜曲中聞折柳何人不起故園情

宣城見杜鵑花

蜀國曾聞子規鳥宣城還見杜鵑花一叫一迴腸一斷三春二月憶三巴

長門怨

天迴北斗挂西樓金屋無人螢火流月光欲到長門殿別作深宮一段愁

又

桂殿長愁不記春黃金四屋起秋塵夜懸明鏡青天
上獨照長門宮裏人

春怨

白馬金羈逾海東羅帷綉被卧春風落月低軒窺燭
盡飛花入戶笑床空

陌上贈美人

駿馬驕行踏落花垂鞭直拂五雲車美人一笑寒珠
箔遙指紅樓是妾家

別內赴徵二首

出門妻子強牽衣問我西行幾日歸歸時儻佩黃金
印莫學蘇秦不下機



又
翡翠爲樓金作梯誰人獨宿倚門啼
夜坐寒燈連曉月行行淚盡楚關西

哭晁卿行

日本晁卿辭帝都征帆一片繞蓬壺
明月不歸沉碧海白雲愁色滿蒼梧

東巡歌二首

三川北虜亂如麻四海南奔似永嘉
但用東山謝安石爲君談笑靜胡沙

又

丹陽北固是吳關畫出樓臺雲水間
千巖烽火連滄

海兩岸旌旗繞碧山

上皇西巡南京歌五首

胡塵輕拂建章臺聖主西巡蜀道來
劍履明高五十二石爲樓閣九天開

又

華陽春樹舊新豐行人新都若舊宮
柳色未饒秦地綠花光不減上陽紅

又

誰道君三行路難六龍西幸萬人歡
地轉錦江成渭水天迴玉壘作長安

又



錦水東流繞錦城，星橋北挂象天星。四海此中朝聖主，峨眉山下列仙庭。

又
水綠天青不起塵，風光和暖勝三秦。方國煙花隨玉輦，西來祿作錦江春。

唐朝四賢精詩第二

工部員外郎杜陵杜甫子美

和賈至舍人早朝大明宮

五夜漏聲催曉箭，九重春色醉仙桃。旌旗日暖龍蛇動，宮殿風微燕雀高。朝罷香烟携滿袖，詩成珠玉在揮毫。欲知世掌絲綸美，池上于今有鳳毛。

宣政殿退朝晚出左掖

天門日射黃金榜，春殿晴曛赤羽旌。宮草微生承委珮，爐煙細裊駐遊絲。雲近蓬萊常五色，雪殘鸚鵡亦多時。侍臣緩步歸青瑣，退食從容出每遲。

紫宸殿退朝口號

戶外昭容紫袖垂雙瞻御座引朝儀香飄合殿春風
轉花覆千官淑景移豈漏吉聞高閣報天顏有喜近
臣知宮中每出歸東省會送雙龍集鳳池

秋興 四首

聞道長安似弈棋百年世事不勝悲王侯第宅皆新
主文武衣冠異昔時台北關山金鼓接征西車馬羽
書隨魚龍寂寞秋江冷故國平居有所思

又

瞿唐峽口曲江頭萬里風煙接素秋花萼夾城通御
氣芙蓉小苑入邊愁珠簾繡柱圍黃鶴錦纜牙樁起
白鷗迴首可憐歌舞地秦中自古帝王州

又

昆明池水漢時功武帝旌旗在眼中織女機絲虛月
夜石鯨鱗甲動秋風波漂菰米沉雲黑露冷蓮房墜
粉紅闕塞極天唯鳥道江湖滿地一漁翁

又

昆吾御宿自逶迤紫閣峯陰入漢波香稻啄餘鸚鵡
粒碧梧棲老鳳凰枝佳人拾翠春相問仙侶同舟晚
更移綠筆昔曾三氣象白頭吟望苦低垂

題省中院壁

掖垣竹埭梧十尋洞門對雪常陰二落花遊絲白日
靜鳴鳩乳燕青春深腐儒衰晚診通籍退食遑回遑

可心哀職曾無一字補許身愧比雙南金

宿府

清秋幕府井梧寒獨有江城蠟炬殘
永夜角聲悲自語中天月色好誰看
風塵荏苒音書絕關塞蕭條行路難
已忍伶俜十年事強移栖息一枝安

院中晚晴懷西郭茅舍

幕府秋風日夜清澹雲疎雨過高城
葉心朱實堪時落階面青苔先自生
復有樓臺銜暮景不接鐘鼓報新晴
浣花溪裏花饒笑肯信吾兼吏隱名

詠懷古跡

諸葛大名垂宇宙宗臣遺像肅清高
三分割據紆籌

策萬古雲霄一羽毛伯仲之間見伊呂
指揮若定失蕭曹福移漢祚難恢復
志决身殲軍務勞

蜀相

丞相祠堂何處尋錦官城外柏森森
映階碧草自春色隔葉黃鸝空好音
三顧頻繁天下計兩朝開濟老臣心
出師未捷身先死長使英雄淚滿襟

堂成

背郭堂成蔭白茅綠江路熟俯青郊
楹林礙日吟風葉籠竹和煙滴露梢
暫止飛鳥將數子頻來語燕定新巢
旁人錯比楊雄宅嬾墮無心作解嘲

卜居



浣花流水二西頭主人爲卜林塘幽已知山郭少塵
事更有澄江銷客愁無數蜻蛉齊上下一雙鷓鴣對
沉浮東行萬里堪乘興須向山陰上小舟

狂夫

萬里橋西一草堂百花潭水即滄浪風含翠篠娟
舞雨裏紅蕖舞香厚祿故人書斷絕恒飢稚子色
凄凉欲填溝壑唯踈放自笑狂夫老更狂

野老

野老籬前江岸迴柴門不正逐江開漁人網集澄潭
下賈客船隨返照來長路關心悲劍閣片雲何意傍
琴臺王師未報收東郡城闕秋生畫角哀

江村


清江一曲抱村流長夏江村事二幽自去自來堂上
燕相親相近水中鷗老妻盡紙爲其寫稚子敲針作
釣鉤多病所須唯藥物微軀此外更何求

南隣

錦里先生烏角巾園收芋栗不全貧慣看賓客兒童
喜得食堦除鳥雀馴秋水纔深四五尺野航恰受兩
三人白沙翠竹江村暮相送柴門月色新

柏學士茅屋

碧山學士焚銀魚白馬却走身巖居古人已用三冬
足年少今開萬卷餘晴雲滿戶團傾蓋秋水澄堦溜



決渠富貴必從勤苦得男兒須讀五車書

崔氏東山草堂

愛汝玉山草堂靜高秋爽氣相鮮新有時自發鐘磬
響落日更見漁樵人盤剝白鷄谷口粟飯煮青泥坊
底芹何爲西莊王給事柴門空閉鎖松筠

題張氏隱居

道

春山無伴獨相求伐木丁丁山更幽澗鳥餘寒歷水
雪石門斜日到林丘不貪夜識金銀氣遠害朝看麋
鹿遊乘興杳然迷出處對君疑是泛虛舟

留別公安大易沙門

隱居欲就廬山遠麗藻初逢休上人數問舟航留製

作長開篋筍擬心神沙村白雪仍含凍江縣紅梅已
放春先踏爐峯置蘭若徐飛錫杖出風塵

即事

暮春三月巫峽長晶二行雲浮日光雷聲忽送千峯
雨花氣渾如百和香黃鸝過水翻迴去燕子銜泥濕
不妨飛閣卷簾圖畫裏虛無只少對瀟湘

暮春

卧病擁塞在峽中滌湘洞庭虛映空楚天不斷四時
雨巫峽長吹千里風沙上草閣柳新暗城邊野池蓮
欲紅暮春鶯鷺立洲渚校子翻飛還一叢

秋興

玉露凋傷楓樹林，巫山巫峽氣蕭森。
江間波浪兼天湧，塞上風雲接地陰。
叢菊兩開他日淚，孤舟一繫故園心。
寒衣處，催刀尺，白帝城高急暮砧。

又

夔府孤城落日斜，每依高處望京華。
聽猿聲下三峽，淚奉使虛隨八月查。
畫省香爐違伏枕，山樓粉堞感悲笳。
請看石上藤蘿月，已映洲前芦荻花。

登高

風急天高猿嘯哀，渚清沙白鳥飛迴。
無邊落木蕭蕭下，不盡長江滾滾來。
萬里悲秋常作客，百年多病獨登臺。
艱難苦恨繁霜鬢，潦倒新停濁酒杯。

秋盡

秋盡東行且未迴，茅齋寄在少城隈。
籬邊老却陶潛菊，江上徒逢袁紹盃。
雪嶺獨看西日落，劔門猶阻北人來。
不辭萬里長為客，懷抱何時得好開。

人日

此日此時人共得，一談一笑俗相看。
樽前柏葉休隨酒，勝裏金花巧耐寒。
佩劍衝星聊暫拔，匣琴流水自須彈。
早春重引江頭興，直道無邊行路難。

小寒食舟中作

佳辰強飲食猶寒，隱几蕭條帶鶻冠。
春水船如天上坐，老年花似霧中看。
娟娟戲蝶過閑幔，片片輕鷗下



急駕雲白山青萬餘里看雲直北至長空

江上值水如海勢聊短述

為人性僻耽佳句語不驚人死不休老去詩篇益漫
興春來花鳥莫深愁新添水檻供垂釣故舊相逢
入舟焉得思如陶謝手今渠述作與同遊

愁

江草日日送愁生不啻冷冷非世情盤渦驚浴底心
性獨樹花發自分明十年戎馬暗南國異域負客老
孤城渭水秦山得見否人今罷病虎縱橫

即事

天畔羣山孤草亭江中風浪雨冥冥一雙白魚不受

釣三寸黃甘猶自青多病馬身無日起窮途阮籍
時醒未聞細柳散金甲腸斷秦州流濁涇

覽物

曾為樓吏趨三輔憶在潼關詩興多巫峽忽如瞻華
嶽蜀江猶似見黃河舟中得病移衾枕洞口經春長
薜蘿形勝有餘風土惡幾時回首一高詩

曲江二首

一片花飛減却春風飄萬點正愁人且有欲盡花經
眼莫厭傷多酒入唇江上小堂巢翡翠花邊高冢卧
麒麟細推物理須行樂何用浮名絆此身

又



朝回日日典春衣，每日江頭盡醉歸。
酒債尋常行處有，人生七十古來稀。
穿花蛺蝶深三見，點水蜻蜓款款飛。
傳語風光共流轉，暫時相賞莫相違。

雨不絕

烏雨既過漸細微，映空搖颺如絲飛。
塔前短草泥不亂，院裏長條風乍稀。
舞石旋應將乳子，行雲莫自濕仙衣。
眼邊江舸何忽促，未得安流逆浪歸。

九日藍田崔氏莊

老去悲秋強自寬，興來今日盡君歡。
羞將短髮還吹帽，笑倩傍人爲止冠。
藍水遠從千澗落，玉山高並兩峯寒。
明年此會知誰健，醉把茱萸子細看。

歡

喜聞盜賊蕃寇摠退口號二首

蕭關隴水入官軍，青海黃河卷塞雲。
比極轉愁龍虎氣，西戎休縱大羊羣。

又

今春喜氣滿乾坤，南北東西拱至尊。
大曆二年調五福，玄元皇帝聖雲孫。

諸道節度入朝口號六首

社稷蒼生計必安，蠻夷雜種錯相干。
周宣漢武今王是，孝子忠臣後代看。

又

鳴玉銜金盡正臣，修文偃武不無人。
興亡會靜氛氛



氣聖壽宜過一萬春

又

抱病江天白首郎空山樓閣暮春光衣冠是日朝天
子草萎何入入帝鄉

又

瀟漫山東一百州割成如按抱青丘蒼茅重入歸關
內王祭還供盡海頭

又

東逾遼水北海池星象風雲喜共和紫氣開臨天地
關黃金臺貯俊賢多

又

十二年來多戰場天威已息陣堂二神靈漢代中興
三功業汾陽異姓王

漫興二首

賜新春江欲盡頭杖藜徐步立芳洲頭狂柳絮隨風
去輕薄桃花逐水流

又

愁徑楊花鋪白蘆黑溪荷葉疊青錢竹根稚子無人
見沙上鳧雛傍母眠

夔州歌三首

羣龍競起向前朝王者無外見今朝此訝漁陽結怨
根元聽舜日舊蕭韶



又
赤甲白鹽俱刺天，
閭閻繚繞接山巔。
楓林橘樹丹青合，
複道重樓錦繡懸。

又
東山稻畦一百頃，
北有澗水通青苗。
晴峯狎鷗分處處，
雨隨神女下朝二。

解悶

先帝貴妃俱寂寞，
荔枝還復入長安。
炎方無續三想，
獻玉座應悲白露團。

惠義寺園送辛員外

朱櫻此日垂朱實，
郭外誰家負郭田。
萬里相逢合負握。

手高才仰空足離庭

魏國夫人

魏國夫人承主恩，
平明上馬入宮門。
却嫌脂粉澆顏色，
淡掃蛾眉朝至尊。

漫成

江月去人只數尺，
風燈照夜欲三更。
沙頭宿鷺照寒靜，
船尾跳魚撥刺鳴。

絕句

兩箇黃鸝鳴翠柳，
一行白鷺上青天。
總含西嶺千秋雪，
門泊東吳萬里船。

椒樹馨香倚釣磯，
新花藥未應飛。
不如醉裏風吹。



盡可忍醒時雨打稀

請道節度入朝口號

英雄見事若通神聖哲為心小一身燕趙休於出佳
麗宮閨不擬選才人

唐朝四賢精詩第三

吏部侍郎昌黎韓愈退之

答張十一功曹

山淨江空水見沙哀猿啼處兩三家
簞簞營營競五溪織
筍躑躅閑閑豔豔花未報恩波知死所
莫令炎瘴送
生涯吟君詩罷看雙鬢斗覺霜毛一半加

酬張武胡十二文大夫

傾朝共羨寵光頻半歲遷騰作虎臣
戎旆暫停辭社
樹里門先下敬鄉人橫飛玉盞家山曉
遠環金珂塞
草春自笑平生誇膽氣不離文字鬢毛新

元日朝迴



天仗宵嚴建羽旄春雲送色曉雞號金爐香動螭頭
暗玉佩聲來雉尾高戎服上趨承北極儒冠列侍映
東曹太平時節難身遇郎署何須歎二毛

戲題牡丹

幸自同開俱隱約何須相倚闌輕盈陵晨併作新粧
面對客偏含不語情雙燕無機還拂掠游蜂多思正
經營長年是事皆拋盡今日欄邊暫眼明

廣宣上人頻見過

三百六旬長擾擾不衝風雨即塵埃久憇朝士無裨
補空愧高僧數往來學道窮年何所得吟詩竟日未
能迴天寒古寺遊人少紅葉總前有幾堆

左遷至藍關示姪孫湘

一封朝奏九重天夕貶潮州路八千欲爲聖明除弊
事肯將衰朽惜殘年雲橫秦嶺家何在雪擁藍關馬
不前知汝遠來應有意好收吾骨瘴江邊

次鄧州界

潮陽南去倍長沙戀闕那堪又憶家心訝愁來惟貯
火眼知別後自添花商顏暮雪逢人少鄧鄩春泥見
驛賒早晚王師收海嶽普將雷雨發萌芽

韶州留別張使君

來往無逢梅柳新別離一醉綺羅春久欽江總文才
妙自歎虞翻骨相屯鳴笛急吹爭落日清歌緩送款

行人已知奏課當微拜那復淹留詠白蘋

酒中留上襄陽李相公

濁水汗泥清路塵還曾同制掌絲綸眼穿長訝雙魚
斷耳熱何辭數爵頻銀燭未銷惚送曙金釵半醉座
添春知公不久歸釣軸應許閑官寄病身

題女挈墳

數條藤束木皮棺草殯荒山白骨寒驚恐入心身已
病扶昇沿路衆知難繞墳不暇號三市設祭惟聞飯
一盤致汝無辜由我罪百年慙痛淚闌干

張十八得裴司空馬

司空遠寄養初成毛色桃花眼鏡明落日已曾交轡

語春風還擬並鞍行長令奴僕知飢渴須若賢良待
性情且夕公歸伸拜謝免勞騎去逐雙旌

和賜櫻桃

漢家舊種明光殿炎帝還書本草經豈似蒲朝承雨
露共看傳賜出青冥香隨翠籠擎初到色映銀盤寫
未停食罷自知無所報空然慙汗仰皇扃

和晉公韻

南伐旋師太華東天書夜到無元功將軍舊歷三司
貴相國新兼五等崇鷓鴣欲歸仙仗裏熊羆還入禁
營中長慙典午非材職得就閑官即至公

酬張韶州

明時遠逐事何如遇赦移官罪未除北望誰令隨塞
鴈南遷纔免葬江魚將經貴郡煩留客先惠高文謝
起予暫欲繫船韶石下上賓虞舜整冠裾

題楚昭王廟

丘墳滿目衣冠盡城闕連雲草樹荒猶有國人懷舊
德一間茅屋祭昭王

湘中酬張十一功曹

休垂絕徼千行淚共泛清湘一葉舟今日嶺猿兼越
鳥可憐同聽不知愁

榔口又贈

山作劔攢江寫鏡扁舟斗轉疾於飛迴頭笑向張公

子終日思歸此日歸

題木居士二首

火透波穿不計春根如頭面榦如身偶然題作木居
士便有無窮求福人

爲神詎比溝中斷遇賞還同爨下餘朽蠹不勝刀鋸
力匠人雖巧欲何如

聞梨花發贈劉師命

桃蹊惆悵不能過紅豔紛二落地多聞道郭西千樹
雪欲將君去醉如何

答道士寄樹雞

軟濕青黃狀可猜欲烹還喚木盤迴煩君自入華陽

洞直司坑龍左耳來

題臨瀧寺

不覺羅家已五千，仍將衰病入龍船。
潮陽未到吾能說，海氣昏昏水拍天。

題西林寺

中郎有女能傳業，伯道無兒可保家。
偶到匡山曾住處，幾行衰淚落煙霞。

寄隨州周負外

陸孟立揚父作塵，同時存者更誰人。
金丹別後知傳得，乞取刀圭救病身。

揚尚書林亭

牆下春渠入禁溝，渠冰初破滿渠浮。
鳳池近日長先暖，流到池時更不流。

壽陽驛題絕句

風光欲動別長安，春半邊城特地寒。
不見園花兼巷柳，馬頭惟有月團圓。

鎮州初歸

別來揚柳街頭樹，擺弄春風只欲飛。
還有小園桃李在，留花不發待郎歸。

女几山

旗穿曉日雲霞雜，山倚秋空劍戟明。
敢請相公平賊後，暫攜諸吏上崢嶸。



鄆城晚飲

城上赤雲三勝氣眉間黃色見歸期幕中無事惟須
飲即是連鑣向關時

別留後馬侍郎

為文無出相如右謀帥難居卻穀先歸去雪消秦浦
動西來旌旆拂晴天

梨花下贈劉師命

洛陽城外清明節百花家落梨花發今日相逢漳海
頭共驚燭燭開正月

榴花

五月榴花照眼明枝間時見子初成可憐此地無車

馬顛倒青苔落絳英

井

賈誼宅中今始見葛洪山下昔曾窺寒泉百尺空看
影正是行人渴死時

蒲萄

新莖未褊半猶枯高架支離倒復扶若欲滿盤堆馬
乳莫辭添竹引龍鬚

酬王二十舍人雪中見寄

三日柴門擁不開階平庭滿白皚皚今朝蹋作瓊瑤
跡為有詩從鳳沼來

題一百葉桃花

白居易

詩



百葉雙桃晚更紅
窺牕映竹見玲瓏
應知侍史歸天上
故伴仙郎宿禁中

春雪

新年都未有芳華
二月初驚見草芽
白雪却嫌春色惡
晚故穿庭樹作飛花

盆池 三首

老翁真箇似童兒
汲水埋盆作小池
一夜青蛙鳴到曉
恰如方口釣魚時
瓦沼晨朝水自清
小蠶無數不知名
忽然分散無蹤影
惟有魚兒作隊行

池光天影共青青
拍岸綠添水數罈
且待夜深明月

去試看涵泳幾多星

芍藥

浩態狂香昔未逢
紅燈燦綠盤
籠覺來獨對情驚
恐身在仙宮第幾重

題于賓客莊

榆莢車前蓋地皮
薔薇蘸水筍穿籬
馬蹄無入朱門跡
縱使春歸可得知

晚春

草樹知春不久歸
百般紅紫闌芳菲
楊花榆莢無才思
惟解漫天作雪飛

落花

已分將身著地飛那羞踐蹋損光暉無端又被春風
誤吹落西家不得歸

風折花枝

浮豔侵天難就着清香撲地只遙聞春風也是多情
思故揀繁枝折贈君

楸樹

青暗翠蓋立童 二 細雨浮煙作綠籠不得畫師來貌
取定知難見一生中

遣興

斷送一生惟有酒尋思百計不如閑莫憂世事兼身
事須著人間比夢間

和武相公早春聞鶯

早晚飛來入錦城誰人教解百般鳴春風紅樹驚眠
處似妬歌童作豔聲

晚春

誰收春色將歸去慢綠妖紅半不存榆莢祇能隨柳
絮等閑撩亂走空園

過瀉溝

龍疲虎困割川原億萬蒼生性命存誰勸君王回馬
首真成一擲賭乾坤



唐朝四賢精詩第四

禮部員外郎河東柳宗元子厚

柳筆

截玉銘雖作妙形貯雲含霧到南溟尚書舊用裁
詔內史新將寫道經曲藝豈能裨損益微辭祗欲播
芳馨桂陽知月光輝徧毫末應傳顧兔靈

具注圖

聖代提封盡海墉狼荒猶得紀山川華夷圖上應初
錄風土記中殊未傳推髻老人難借問黃帝深峒敢
留連南宮有意求遺俗試檢周書王會篇

哭呂衡州



衡岳新摧大柱峯，士林顛顛泣相逢。祇今文字傳青簡，不使功名上景鍾。二畝空留懸磬室，九原猶寄若堂封。遙想荊州人物論，幾迴中夜惜元龍。

衡陽與夢得分路贈別

十年顛顛到秦京，誰料翻爲嶺外行。伏波故道風煙在，翁仲遺墟草樹平。直以慵疎招物議，休將文字占時名。今朝不用臨河別，垂淚千行便濯纓。

寄漳汀封連四州

城上高樓接大荒，海天愁思正茫茫。驚風亂颭芙蓉水，密雨斜侵薜荔牆。嶺樹重遮千里月，江流曲似九迴腸。共來百越文身地，猶自音書滯一鄉。

寄周韶州

越絕孤城千萬峯，空齋不語坐高春。印文生綠經旬合，硯匣留塵盡日封。梅嶺寒煙藏翡翠，桂江秋水露鰓鱗。丈人本自忘機事，爲想年來憔悴容。

寄盧衡州

臨蒸且莫歎炎方，爲報秋來鴈幾行。林邑東廻山似戟，祥符南下水如湯。兼葭漸瀝含秋霧，橘柚玲瓏透夕陽。非是白蘋洲畔客，還將遠意問瀟湘。

嶺南江行

瘴江南去入雲煙，望盡黃茆是海邊。山腹雨晴添瀑痕，潭心日暖長蛟涎。射工巧伺遊人影，鸕母偏驚浪跡。

客艫從此憂來非一事豈容華髮待流年

柳州峒氓

郡城南下接通津異服殊音不可親青箬裏鹽歸峒
客綠荷包飯趁虛人鵝毛禦臘縫山罽雞骨占年拜
水神愁向公庭問重譯欲投章甫作文身

別舍弟宗一

零落殘蕙倍黯然雙垂別淚越江邊一身去國六千
里萬死投荒十二年桂嶺瘴來雲似墨洞庭春盡水
如天欲知此後相思夢長在荆門郢樹煙

種三樹

手種黃甘二百株春來新葉徧城隅方同楚客憐皇

樹不學荆州利木奴幾歲開花聞噴雪何人摘實見
畫珠若教坐待成林日滋味還堪養老夫

廬少府郊舍

寓居湘岸四無鄰世網難嬰每自珍時藥閑庭延國
老開樽虛室值賢人泉廻淺石依高柳逕轉垂藤間
綠筠聞道偏為五禽戲出門鷗鳥更相親

舟溪

少時陳力希公侯許國不復為身謀風波一跌逝萬
里壯心瓦解空縲囚縲囚終老無餘事願卜湘西共
溪地却學壽張焚故侯種漆南園待成器

題石門東軒

石門長老身如夢，旃檀成林手所種。坐來念二非昔人，萬遍蓮花爲誰用。如今七十自忘機，貪愛都忘筋力微。莫向東軒春野望，花開日出雉皆飛。

看山

海畔尖山似劍鋌，秋來處二割愁腸。若爲化得身千億，散上峯頭望故鄉。

詔赴都

每憶纖鱗遊尺澤，翻愁弱羽上丹霄。岸旁古堠應無數，次第行看別路遙。

見新花

故園名園久別離，今朝楚樹發南枝。晴天歸路好相

逐，正是峯前回鴈時。

汨羅遇風

南來不作楚臣悲，重入脩門自有期。爲報春風汨羅道，莫將波浪枉明時。

離鵲不醉

無限居人送獨醒，可憐寂寞到長亭。荊州不遇高陽侶，一夜春寒滿下廳。

詔赴都

十一年前南渡客，四千里外北歸人。詔書許逐陽和至，驛路開花處二新。

李西川薦琴石

遠師騶忌鼓鳴琴去和南風愜癖心從此他山千石
重殷勤曾具奉徽音

奉酬楊侍郎

貞一來時送絲牋一行歸鴈慰驚弦翰杯寂寞誰爲
主鳴鳳應須早上天

清水驛叢竹

簷下疎篁十二莖襄陽從事寄幽情祇應更使伶倫
見寫盡堆雄雙鳳鳴

榕葉落盡

官情羈思共惓惓春半如秋意轉迷山城過雨百花
盡榕葉滿庭鸚鵡亂啼

酬浩初上人

珠樹玲瓏隔翠微病來方外事多違仙山不屬分符
客一任凌空錫杖飛

兩山贈賈山人

寒江夜雨聲暮曉雲遮盡仙人山遙知玄豹在深
處下黃鸝啼泥塗間

寄劉遵州

書成欲寄度安西紙背應勞手自題聞道近來諸子
弟臨池尋已賦家雞

疊前

小學新翻墨沼波芙蓉增樹散枝柯在家三上吟嬌



文空一覽度前為尚多

疊後

事業無成耻事成南宮起直舊運名勸君火急添功
用起取當時一如言

銅魚使赴部

行盡關山萬里餘多時間并是荒墟附庸唯存銅魚
使此後無因寄遠書

寄望漳州一絕

早歲言華聽越吟聞君江海分逾深他時若為蘭亭
會莫忘高僧支道林

又

頻把瓊言出袖中獨吟遺句立秋風桂江日夜流
千里揮淚何時到角東

寄楊侍郎

東越高僧還姓湯幾時瓊瑤觸鳴璫空花一散不
虞誰采金英与侍郎

見亡友呂衡州書迹

交侶平生意最親衡陽往事似分身袖中忽見三行
字我淚相看是故人

寄京中親故

林邑山聯瘴海秋梓栢水向郡前流勞君遠問羅城
地正北三千到錦州



種木樹花

上苑年二占物華飄零今日在天涯祇因長作龍城
守剗種庭前木樹花

摘櫻桃

海上朱櫻贈所思樓居况是望仙時蓬萊羽客如相
訪不是偷桃一小兒

謝曹侍御

破額山前碧玉流騷人遙駐木蘭舟春風無限瀟湘
憶欲採蘋花不自由

夏晝偶作

南州海暑醉如酒隱机熟眠開北牖日午獨覺無餘

聲山童隔竹敲茶臼

雨晴至江陵

江雨初晴思遠步日西獨向愚溪渡二頭水落村逕
成捺亂浮槎在高樹

檀海石榴

幾年封植愛芳叢韶艷朱顏竟不同從此休論上春
事看成古木對衰翁

聞籍田有感

天田不日降皇輿留滯長沙歲又除宣室無由問蒼
事周南何處託成書

漁翁

漁翁夜傍西巖宿曉汲清湘燃楚竹煙銷日出不見
人款乃一聲山水綠

贈劉會友

信書成自誤經事漸知非今日臨歧別何年待放歸

上湘江

好在湘江水今朝又上來不知從此去更遣幾年迴

登峨山

荒山秋日午獨上意悠々如何望歸處西北是馱州

昔溪聞猿

溪路千里曲哀猿何處鳴孤臣淚已盡虛作斷腸聲

江雪

千山鳥飛絕萬徑人蹤滅孤舟蓑笠翁獨釣寒江雪

零陵早春

問春從此去幾日到秦原憑寄還鄉夢教勤入故園

春懷故園

九疊鳴已晚楚鄉農事春悠々故池水空待灌園人

唐朝四賢精詩終



四賢

冊四


梁

35

3
51



唐詩四賢精
卷之四



国立国会図書館 タイトル『唐朝四賢精詩4卷』 請求記号 WA6-61

ガラス使用